



МЕСЯЦА ИЮЛЯ В 23-й ДЕНЬ

Празднование Пресвятѣй Владычице нашей
Богородице и Приснодѣве Маріи
ради чудотворныя иконы Ея, именуемая
«Почаевская»

НА МАЛОЙ ВЕЧЕРНИ

На Господи, возвах: стихиры на 4, глас 4:

Наста день праздника Твоего, Пречистая, /
наста нашей радости пресветлый день. /
Приидите, монашествующих лица, / приидите,
все вернии людие, / воспойм от чистаго
сердца Матерь Божию / и чудеса Ея, на горе
Почаевстей явленная, прославим.

Велия чудеса Твоих сила, Богородице, / яко
многи, токмо воззвавшия к Тебе, / от недугов
тяжких спасла еси, / верныя видеными утвердила
еси / и неверныя к вере обратила еси.

Аки Синай и Фавор, ублажаем гору Почаевскую,
/ аки Влахернскую церковь, чтим зде стоящий
храм Владычицы, / зане подобная тем местом
в Почаевстей обители содеяшася, / яко пребывание
славы Приснодѣвы зде явися.

Слава, и ныне, глас 2:

Небесная врата, и Споручница спасения нашего,
/ и веры Православных утверждение Ты еси,
Богородице Пречистая, / Твоего убо представительства
чающе, / во един молитвенный лик снисдохомся,
раби Твои, / и подножию ног Твоих покланяем-

ся, / и прѡсим просвещенія и спасенія душамъ нашимъ.

На стихѡвне стихіры, глас 1:

Умиленіе сердецъ и о гресѣхъ покаяніе / днесь возно́сится отъ христиа́н / ко престѡлу Пречы́стыя Дѣвы: / Та бо о нас мо́лит Христа́ Бѡга.

Стих: Слы́ши, Дщи, и виждь, / и приклоні́ у́хо Твое́.

Прореченіе Твое́ сбывшееся зде зрим, Влады́чице: / вси бо роди Тебѣ радостно ублажа́ют. / Тѣмже воззовѣмъ Ти с праведною Елисаветѡю: / благословѣна Ты в жена́х, / и благословѣнъ Плодъ чрева Твоего́.

Стих: Лицу́ Твоему́ помѡлятся / богатыи лю́дстии.

Войстинну блажено́ чрево, носившее Тя, Гѡсподи, / и сосца́, яже еси́ ссал, / нам же, соверша́ющимъ празднество Твоея́ Пречы́стыя Ма́тере, / носити Тя в сердца́хъ нашихъ помози́, / да и мы блаженства сего́, / по слову Твоему́, причасті́мся.

Сла́ва, и ны́не, глас 5:

Ра́дуйся, Преплагословѣнная Богородице Дѣво; / ра́дуйся, бы́строе моля́щихся услы́шание; / ра́дуйся, бесѡм устрашеніе и ка́ющимся прибѣжище; / ра́дуйся, исто́чникъ благодати в чудотѡрномъ Твое́мъ образѣ / Лавре Поча́евстей дарова́вшая.

Тропа́рь пи́сан на вели́цей вечерни.

НА ВЕЛИ́ЦЕЙ ВЕЧѢРНИ

На Гѡсподи, воззва́х: **поставимъ стихѡв 8 и поѣмъ стихіры, глас 5:**

Прииді́те, россі́йстии собѡри, / и от всехъ язы́к, ве́рнии, собері́тесь, / на го́ру Поча́евскую взы́дем и в домъ Ма́тере Бѡжия, / и узримъ мѣсто стопы́ Ея́, / иде́же во ѡгненномъ столпѣ́ дре́вле явѣся, / и от исто́чника, оттѹду истѣкшаго, / ве́рою окроплѣніе при́йдем, / и чудотѡрней ико́не Ея́ поклоні́мся, / прощѣнія прегрешѣній нашихъ прося́ще, / и душамъ нашимъ ве́лия мѡлости.

Ко Твоему́ заступленію притека́ем, Пречы́стая, / и чудеса́, во обители Поча́евстей от Тебѣ бывшая, воспѣва́ем: / исцелѣнія бо зде слѣпѣи и хро́мии

ра́достно приима́ху, / бесни́и свобожда́хуся, / и ме́ртвии воскресо́ша, / и несть такова́го жесто́каго се́рдца, / е́же зрѣнием святы́ни Твое́й не умилѣтся. / Но утверди́, Всепѣтая, / благо́е изволе́ние моля́щихся Тебе́ / и пода́ждь душамъ на́шим ве́лию ми́лость.

Ра́дуйся, Благода́тная Богоро́дице, / Твое́ ста́до от Небе́с назира́ющи, / от Ангелъ у́бо пе́ние приѣмлющи, / от нас же излива́емья умилѣ́нныя слѣзы ви́дящи / и моли́твенная воздыха́ния душ на́ших слы́шащи: / сия́ бо па́че витийства словеса́го / на милосе́рдие Тебе́ преклоня́ют, / во е́же подати душамъ на́шим ве́лию ми́лость.

Ины стихи́ры, глас 2:

Твою́ ико́ну целу́юще, Влады́чице, / и слѣду стопы́ Твое́й покланя́ющеся, / и заступле́ния Тво́я мно́гая помина́юще, / досто́йных словес о прославлѣ́нии Тебе́ не обрета́ем, / но, благоговѣ́йныя слѣзы Тебе́ в молча́нии принося́ще, / а́ки на Небеси́, себѣ мним, / Твое́й сла́ве предстоя́щия, / спаси́ Тебе́ велича́ющия.

На горѣ Фаво́рстей Петр со дру́ги / Господне Преображе́ние ви́дев / и ле́потою сла́вы Его́ услажда́яся, / та́ко вопия́ше Ему́: / Го́споди, добро́ есть нам зде бѣ́гти. / Сицевы́й же глаго́л рцем, бра́тие, / на го́ру явле́ния Ма́тере Бо́жия собра́вшеся, / и преображе́ние сла́вы Ея́, зде бѣ́вшее, помышля́юще, / и во умилѣ́нии вопию́ще к Ней: / спаси́ Тебе́ велича́ющия.

На скале́ пусты́нней пѣрвее яви́лася еси́, Влады́чице, / све́том огня́ просвещѣ́ние ве́рных зде прообразу́ющи / и Купину́ Неопали́мую на па́мь лю́дем приводя́щи; / пото́мже с Небе́с видѣ́ние Твое́го заступле́ния / ино́ком Поча́евским яви́ла еси́, / я́ко покрóв Твой, Андре́ем дре́вле ви́денный. / Нас же, моля́щихся, све́том озари́ духо́вным / и спаси́ Тебе́ велича́ющия.

Сла́ва, и ны́не, глас то́йже:

Непроходи́мая врата́, та́йно запеча́тствованная, / Благослове́нная Богоро́дице Де́во, / прими́ моле́ния на́ша / и принеси́ Твое́му́ Сы́ну и Бо́гу, / да спасѣ́т Тобо́ю ду́ши на́ша.

Вход. Прокімен дне. И чтѣнія.**Бытія чтѣние (глава 28):**

Избѣде Иаков от студенца клятвеннаго / и иде в Харрань. / И обрѣте мѣсто, и спа тамо: / зайде бо солнце. / И взят от каменія мѣста того, и положи возгловіе себѣ, / и спа на мѣсте оном. / И сон виде: / и се лѣствица, утверждена на землі, / еяже глава досязаше до Небес, / и Ангели Божии восхождаху и низхождаху по ней. / Господь же утверждашеся на ней и рече: / Аз Бог Авраамов, отца твоего, / и Бог Исааков, не бойся: / земля, идеже ты спиши на ней, / тебѣ дам ю и семени твоему. / И будет семя твоѣ, яко песок земный, / и распространитя на морѣ, и ливу, и север, и на востоки, / и возблагословятя о тебѣ вся колѣна земная и о семени твоѣм. / И се Аз с тобою, / сохраняяй тя на всяком пути, а може аще пойдеш, / и возвращу тя в землю сию, / яко не имам тебѣ оставити, / дондеже сотворити Ми вся, елика глаголах тебѣ. / И воста Иаков от сна своего, и рече: / яко есть Господь на мѣсте сем, / аз же не ведех. / И убойся, и рече: / яко страшно мѣсто сие; / несть сие, но дом Божий, / и сия врата Небесная.

Исхода чтѣние (глава 3):

Виде Моисей в гору Божию Хорив. / Яви же ся ему Ангел Господень в пламени огненне из купины. / И виде, яко купина горяше огнем, и купина не сгараше. / Рече же Моисей: / прешед, узрю видѣние великое сие, / что яко не сгарает купина? / Якоже виде Господь, яко приступает видети, / призвалъ его Господь из купины, глаголя: / Моисее, Моисее. / Он же рече: что есть? / И рече: не приближися семо; / изуй сапог от ногу твою: / мѣсто бо, на немже ты стоиши, земля святая есть. / И рече ему: / Аз есмь Бог отца твоего, / Бог Авраамов, и Бог Исааков, и Бог Иаковль. / Отврати же Моисей лице свое: / стыдѣше бо ся зрѣти пред Богом. / Рече же Господь к Моисею: / видя, видех озлобленіе людей Моих, иже во Египте, / и вопль их услышах от насильствующих в дѣлах, / вем бо болѣзнь их, / и снидох, еже изъяти их от руки египтян, / и извести их от

земли́ о́ныя, / и ввести́ их в зѣмлю́ бла́гу и мно́гу, / в зѣмлю́, точа́щу мед и млеко́.

Проро́чества Иезеки́илева чтѣние
(главы́ 43 и 44):

Та́ко глаго́лет Господь: / бу́дет от дне осма́го и проче́е, / сотворя́т иере́и на олтари́ всесожже́ния ва́шего / и я́же спасе́ния ва́шего, и прииму́ вы, / глаго́лет Адо́най Господь. / И обрати́ мя на путь вратъ святы́х внѣшних, / зря́щих на восто́ки, / и сия́ бѣху затворѣна. / И рече́ Господь ко мне: / врата́ сия́ затворѣна́ бу́дут и не отворѣ́зутся, / и никто́же про́йдет сквозѣ́ их, / я́ко Господь, Бог Изра́илев, про́йдет ими́, и бу́дут затворѣна. / Я́ко Игу́мен сядет в них снѣсти́ хлеб, / по пу́ти ела́мских вратъ вни́дет и по пу́ти его́ изы́дет. / И введе́ мя по пу́ти вратъ святы́х, су́щих к се́веру, пра́мо хра́му, и ви́дех, / и се испо́лнь сла́вы храм Господень.

На литіи стихи́ры, глас 6:

Стру́й исцелѣ́ний всегда́ источа́еши, Де́во, ве́рным, / притека́ющим к цельбоно́сней стопѣ Твое́й, Богоневѣ́сто! / Ту́не бо излива́еши от не́я обильно / и богато́ недугующим исцелѣ́ния: / слѣпы́я явля́еши ви́дяща́ ясно, / притека́ющия к Тебе́ хро́мья мно́гия исправи́ла еси́ / и разсла́бленныя стягну́ла еси́, / подаю́щи всем, я́же ко спасе́нию, проше́ния / и душа́м на́шим ве́лию ми́лость.

Прииді́те, празднолю́бцы, / чу́дное явлѣ́ние ико́ны Бо́жия Ма́тере, / е́же на горѣ́ Поча́евстей, просла́вим: / пресла́вно бо и боголе́пно во оби́тели Поча́евстей возсия́, / неисто́щиму́ю чудѣ́с благода́ть все́м излива́ющи. / Тем усты́ и сердцы́, и пе́сньми, и пе́нии духо́вными / сей святы́й день со все́ми, / на го́ру Поча́евскую притека́ющими, / празднуемъ́ свѣ́ло.

Сла́ва, и ны́не, глас то́йже:

Воспо́йте, росси́йстии наро́ди, / Цари́це Бо́жией Ма́тери пе́снь но́ву, / соде́явшей чу́до, новѣ́йшее всех дре́вних чудѣ́с, / на горѣ́ Поча́евстей: / си́льны́я бо сокруши́ стрѣ́лы ага́рянскія, / на ню́ от

татар направляемя, / на главѹ их вспять обращающи, / немощныя же препояса силою свѣше, / и вознесѣ смиренныя. / Той победительная возсылаем / и, припадающе, вопиѣм: / Застѹпнице наша усѣрдная, / Мати Господа Вѣшняго, слава Тебѣ.

На стиховне стихиры, глас 3:

Кто возглаголет силы Твоя, Богородице, / цельбоносный Почаевский источник? / Неистошыми бо дарованиями избилующи, / многая и паче естества содеваеши исцеления, / не токмо телесныя болезни врачующи, / но и душевныя страсти наша измываючи, / и всем подаеши велию милость.

Стих: Слыши, Дщи, и виждь, / и приклони ухо Твое.

Твоими чудесы, Богородице, невернии умилившись, / Православную веру исповедаху, / и еретицы от ереси отрекошася / и ко стаду церковному сопричтошася, / беснии от мучительства демонов свободяхуся, / и жестокая сердца смиришася. / Убо и души наша покаянием просвети, / подаючи нам велию милость.

Стих: Лицу Твоему помолятся / богати людстии.

По избавлении от неверных Твоея Лавры, Владычице, / икону Твою православнии людие радостно прииша, / якоже древле Животворящий Крест Сына Твоего от пленения перскаго, / темже исцеления, от нея бываемая, такожде умножишася, / ихже не лишй и нас, молящих Ти ся, / подаючи душам нашим мир и велию милость.

Слава, и ныне, глас 8:

Седяй на Херувимех и певаемый от Серафим / из утробы Девы благоволи родитися / и Сию, яко Матерь Божию, / в молитву призывати нас научи, / पहले в Кане Галилейстей / Той моления о людех приемый / и доньне молитв Ея ради прошения наша исполняяй. / Приидите убо, христоименитии людие, / на место чудес Пресвятыя Богородицы / и, моления ваша пред иконою Ея изливающе, / несомненною верою утвердитесь, / еже прияти нам от Нея велию милость.

На благословении хлебов тропарь, глас 5:

Пред святою Твоею иконою, Владычице, / молящихся исцелений сподобляются, / веры истинныя познание приемлют / и агарянская нашествия отражают. / Темже и нам, к Тебе припадающим, / грехов оставление испроси, / помыслы благочестия сердца наша просвети / и к Сыну Твоему молитву вознеси / о спасении душ наших.

Трижды

НА УТРЕНИ

На Бог Господь: тропарь праздника, трижды.

По 1-м стихословии седален, глас 4:

Богородица христианом всегда бысть Милостивая Услышательница, / от конец земли к Ней возносящим молитвенныя гласы, / Почаевскую же гору яко место явлений Своих избра, / и сего ради zde быти поспешают христиане, / ихже моления не отврати, Владычице, / но и праведным, и грешным буди Ходатаица.

Слава, и ныне, тойже.

По 2-м стихословии седален, глас 7:

Отверзи врата твои, святая Лавро Почаевская, / и прими приходящих безчисленныя народы, / святую икону Владычицы облобызати умиленно тщащияся / и вкупе со братиею монашествующих усердная моления возносящих ко Христу Богу, / да молитвами Приснодевы, Матере Своей, милостив будет рабом Своим.

Слава, и ныне, тойже.

Величание:

Величаем Тя, / Пресвятая Дево, / и почитаем честную икону Твою, / юже от лет древних / на горе Почаевстей прославила еси.

По полиелееи седален, глас 6:

Днесь о всех чудесех Твоих, Владычице, на горе Почаевстей бывших, / благодарения Ти Церковь приносит. / Темже сошедшиися люди Твоя от Небес благослови, / разум наш уцеломудри, / и

жити́е на́ше испра́вити помози́, / и о спасе́нии душ
на́ших моле́ние к Бо́гу вознеси́, мо́лим Ти ся.

Сла́ва, и ны́не, то́йже.

**Та́же степе́нна, 1-й антифо́н 4-го гла́са. Прокі́-
мен, глас 4: Помяну́ я́мя Твое́ / во вся́ком ро́де и
ро́де. Стих: Слы́ши, Дщи, и виждь, и приклони́ у́хо
Твое́. Вся́кое дыха́ние: Ева́нгелие от Луки́, зача́ло
4.**

По 50-м псалме́ стихира́, глас 5:

**Прииді́те, росси́йстии собо́ри, / и от всех язы́к,
ве́рнии, собери́тесь, / на го́ру Поча́евскую взы́дем /
и в дом Ма́тере Бо́жия, / и узри́м ме́сто стопы́ Ея́, /
иде́же во о́гненном столпе́ дре́вле яви́ся, / и от
исто́чника, отту́ду исте́кшаго, / ве́рою окроплéние
при́йдем, / и чудотво́рней ико́не Ея́ поклони́мся, /
про́щения прегреше́ний на́ших прося́ще / и душáм
на́шим ве́лия ми́лости.**

**Кано́н, глас 8, егóже краегра́не́сие: Богоро́дице
Поча́евская, спаси́ и сохрани́ правосла́вную Русь.**

Песнь 1

**Ирмо́с: Пои́м Го́сподеви, / провед́шему лю́ди
Сво́я сквозе́ Чермно́е мо́ре, / я́ко Еди́н сла́вно
просла́вился.**

**Бо́жию Ма́терь воспои́м, ве́рнии, / моле́ния к Не́й
принося́ще / и чудотво́рному Ея́ о́бразу покланя́-
юще́ся ве́рою и любóвию.**

**О Влады́чице, / убо́гия хвалы́ на́шея не отвéржи
и грехо́вныя нищеты́ не возгнуша́йся, / но припа́-
дающия лю́ди приими́, / я́ко Благо́я, Благо́го же
Роди́тельница.**

**Гора́ Поча́евская, прэ́жде те́мная и безвэ́стная, /
явлéнием Твои́м, Влады́чице, Сина́ю уподо́бися: /
та́мо бо огонь, купину́ не паля́й, Тебе́ прообразова́-
ше, / zde же Самá, во огни́ зря́мая, христиáном
явила́ся еси́.**

**Очи ва́ши блаже́ни, о па́стырие о́вчии, Влады́чи-
цу на горé Поча́евстей узрэвшии / и тем ча́сти
вифле́емских па́стырей сподо́бльшиися. / Те́мже
у́бо блаже́ни суть христиáне, сегó не ви́девшии, /
но ве́рою ме́сту то́му покланя́ющияся.**

Роди российстии и от всякаго язЫка вѣрнии, / сошѣдшеса к мѣсту явлѣния ВладЫчицы, / чудотворному Ея образу поклонимся и о своих согрешѣнних восплачем, / о милосѣрдии же Господни возрадуемся.

Огненный столп, ВладЫчице, Тебѣ иноком и пастырем являше, / нам же огонь ревности вложИ в дУшу, / еже вѣру истинную хранИти, / от всякаго же глагола еретическаго отвращатися / и греховную отревати прѣлесть от сердец наших.

Катавасія: Отвѣрзу уста моя:

Песнь 3

Ирмос: Ты еси утверждение / притекающих к Тебѣ, Господи, / Ты еси Свет омраченных, / и поет Тя дух мой.

Дар священный, страннопримства мзду, / прийт христоролюбивая Анна икону Твою, ВладЫчице, рукою святителя, / от неяже исцеление брату своему слѣпу рождѣну видевши, / сию во обитель Почаевскую на общую пользу дарствует.

Икону Почаевскую ПречИстыя Богородицы лобызайм, вѣрнии, / и, покаяние о гресех наших принесше, здравия, и от нужд избавления, / и во всех благих начинаниих помощи от ВладЫчицы воспросим.

Цвет прекрасный на древе благосеннолиственнем / явися чудотворная икона Богородицы на святей горѣ Почаевстей: / просите, вѣрнии, и дастся вам, по глаголу Христову, милосѣрдия дар, / житию вашему потребный.

Еже временному житию потребно бываѣет, о братие, вмале полѣзно есть, / и сий дарствует нам Господь, по молитве Матере Своея. / Обаче терпящия паче сих блажит и вѣчною радостию на Небеси награждает, / юже нам даровати, ВладЫчице, помолися.

Почаевская церковь, чудотворный след стопы Твоея, Богородице, / покрывающая и икону Твою хранящая, / аки Небесный вход вѣрным является, / в нейже молящимся помози, о ВладЫчице, земная попечения отложити, / и единого, еже на потребу, желати, / и в молитве тепле просити.

Оле безумия иконоборцев, / иже икону Твою, Владычице, от Почаевския обители плениша / и, поруганию предающе, кару Божию абие на ся наведоша, / беснованием же обличене бывшей женé, ужасом многим содержахуся.

Седáлен, глас 6:

Рекá, обильно текущая, покою не навýче, / ниже престáти от течéния воднаго возмо́жет, / тако и молéния Твоя, Владычице, о людех присно возносима́я, не престаю́т, / но праведныя от падéний храня́т, / падшия же на покаяние возставляют. / Нам же, Твоему́ образу поклоняющимся, / сугубую умилéния благодáть даруют / и вопíti Тебé со Архангелом и Елисаветою воздвизáют: / благословéна Ты еси́ в женах, / и Твоего́ чрева Плод благословéн есть.

Песнь 4

Ирмос: Услы́шах, Гóсподи, / смотрéния Твоего́ та́инство, / разумéх делá Твоя́ / и прослáвих Твое́ Божество́.

Часу́ и дни прише́дшу возвращéния иконы Твоея́ / во обитель Почаевскую от иконоборцев, сию́ пленивших, / возрадовася преподóбный Йов со брáтиею, тую́ лобызáюще; / ны́не же на всяк день и час приходя́щии во обитель Твою́ христиáне / тую́же рáдость и véру пред не́ю свидéтельствуют.

Аз, грéшный, лéностию порабо́щен, о Влады́чице, / блага́го Бóга присно грехи́ своїми прогневляю́, / ниже́ óчи свой возвéсти к Немú дерзáю, / но ко Твоему́ припадаю́ чудотворному́ образу, / пред нимже каю́щийся прощéние от Тебé прия́ша, и вопию́: / Гóспода, Сы́на Твоего́, умíлостиви и мне предста́тельством Твои́м.

Еда́ обря́щется то́лько окаменéнный сéрдцем и безúмен муж, / иже не умилéтся, в цéркви Почаевстей предсто́й и святýням Твои́м, Влады́чице, поклоня́йся, / чудеса́ же, от них бывшая, помышля́я / и véрою моля́щийся видя́й наро́ды?

Видени́ бы́ша мно́зи, исцелéннии пред иконо́ю Твоею́, Влады́чице, / слéпшии и хрóмии, слы́шани

бѣша глушіи и немѣи, возглаголавшии: / тамо беснѣи, воды от стопы Твоея пиюще, от бесов свободяхуся. / Темже и мою приими молитву, еже от бесовскихъ страстей свободѣтися / и свет спасенія Христова вѣну созерцати.

Сый во узилици земли турския пленен, / инокъ Твоею силою, Владычице, на воздусе в гору Почаевскую принесеса, / убо и мене, во узахъ страстей суща, / ныне, в день славы Твоея, от техъ свободѣ / и лику вѣрою и любовію поющихъ Тя сопритѣи.

Ко Твоему чудотворному образу притекъ, Владычице, / и водою от следа стопы Твоея омывся, / сляченныи* недугомъ юноша абие исцелѣ, / слепая же отроковица, zde принесенная, прозрѣ, / и предумерый младенецъ воскресе, / убо и мене, припадающа, от смертоноснаго унынія воздвигни / и душевныя мои отвѣрзи очи.

Песнь 5

Ирмосъ: *Утреннююще, вопиѣмъ Ти: / Господи, спаси ны, / Ты бо еси Богъ наш, / разве Тебѣ, иного не вѣмы.*

Аще и всехъ грешнѣйшій есмь отъ темъ людей, / ко Твоей, Владычице, иконѣ припадающихъ, / аще и вси вѣрою своею мя превзыдоша, / обаче и мене, окаяннаго, не отрини отъ Твоего заступленія, / милостей бездну людемъ во обители Твоей явившая.

Якоже ко всемъ призывающимъ Тя милостива являешися, / издавѣча иконѣ Твоей мысленно поклоняющияся слышиши, / и тако отрочица некоего, по молитвѣ прабабы егѣ, воскресила еси, / и ныне, о Владычице, / ко всемъ, от конца земли Тебѣ молящимся, благоувѣтлива буди.

Се, Владычице, людейъ многая множества, / на святую гору Твою притекающе, / милости Твоея получитьи ищутъ, / вѣрнии вкупе с маловѣрными, праведнии и грешнии, с нимиже и Церкви Святѣй чуждѣи приметаются, / всехъ убо помилуй, всемъ свет истинныя вѣры яви во спасеніе.

* сляченныи — скорченныи

Почто аз, грѣшный, Пречѣстей Богомáтери поклоняяся / и испрãвити житиѣ своеѣ обещаваѣя, / пãки на прѣжня прегрѣшенїя обращаюся? / Увѣ мне! / едã злѣйшїй есмь невѣрных агãрян, / ѣже на горѣ Почãевстей покаѣние принѣсше, / дõбрии христиãне содѣяшася?

Аще и лõти бѣша агãряне турстїи, / святую обитель Твою, Владычице, осаждающе, / аще и стрѣлы в Тя, на Небесї явльшюся, пуцãти дерзнуша, / но сим на главы их возвращающимся, / сѣрдцем сокрушенным покаѣшася и силу Твою исповѣдаша.

Со Йовом преподõбным на Небесѣх Тебѣ зряще, Владычице, / агãряном смятенным и бежãщим, / ѣноцы Почãевстїи песнь воспѣша Ти достõйную, / со угõдником Тебѣ благодаряще тепле.

Песнь 6

Ирмос: *Рѣзу мне подãждь свѣтлу, / одеѣйся свѣтом, яко рѣзю, / Многомѣлостиве Христѣ Бõже наш.*

Иже от агãрян Тя, Владычице, на Небесѣх узрѣша, / друг друга вопрошаху: / что есть видѣние сїѣ ужãсное? / И õви, смятѣни бѣвше, друг друга убивãху, / õви же, вѣру в сѣрдце своеѣ приѣмше, Крещенїя требоваху, / по сїх же ѣноцы бѣша чрез все житиѣ, силу Твою воспѣвающе.

Иноки и мирскїя лõди, Твоему заступленїю вѣрующїя, Владычице, / обогатї духовными даровãньми, / маловѣрныя же просветї и озарї, / якоже тогда невѣдевшїя Христã агãряны в познãние Егõ привелã есї.

Сохраниша пãмь Твоегõ заступленїя, Владычице, агãряне, / в зѣмлю турскую возвращшеся, / и чãдом своим о явлѣнии Твоем пãмь предãша. / Кольмї пãче нам, христиãном, / чудесã Твоѣ, на горѣ Почãевстей бѣвша, пãмьтовати подобãет?

Образу Твоему мысленно припадаѣя, / во глубокїй клãдязь впãдѣй муж от несумнѣнныя смѣрти спасѣся / и, невредїм из глубины подѣят бѣв, / Твоѣ проповѣдаше милосѣрдїе.

Хотѣл бѣх и аз, Владычице, вѣре спасѣнных Тобõю людѣй подражãти, / хотѣл бѣх и аз Твоѣ

заступлѣние в житій моём уллучити, / но за мно́же-
ство прегрешѣний моих оскудева́ет моя́ вѣра. / Сію́
у́бо укрепі́ во мне, Влады́чице, вопію́щем: / вѣрую,
помози́ моему́ невѣрію.

Ров прельщѣний латѣнских чрез сто и дѣвять
лет поглоті́ обитель Поча́евскую, / но Твоім,
Богородице, заступлѣнием па́ки та́я к высотѣ
Правосла́вія изъѣмлется и ла́вра имену́ется. / Сію́
у́бо в Правосла́вней вѣре непоколебѣ́му соблюди́ /
да́же до часа́ втора́го пришѣствия Сы́на Твоего́ и
Бо́га.

Конда́к, глас 1:

Исто́чник исцелѣ́ний и вѣры Правосла́вныя
утвержде́ние / Поча́евская Тво́я ико́на, Богоро́-
дице, явѣся, / те́мже и нас, к ней притека́ющих, / от
бед и искуше́ний свободи́, / ла́вру Твою́ невредѣ́му
сохрани́, / Правосла́вие во о́крест стоя́щих стра-
на́х утверди́ / и грехи́ разреши́ моли́твенник Тво-
и́х: / ели́ка бо хо́щещи, мо́жещи.

И́кос:

Воста́ните от гроб ва́ших, ино́цы Поча́ев-
стии, и рцѣ́те нам: / коли́ких чудѣс Пресвяты́я
Богороди́цы бы́сте зрѣтели и свидѣтели, / ка́ко
ме́ртвии пред То́я ико́ною воскреса́ху, / ка́ко
де́мони от му́чимых люде́й отбега́ху, / ка́ко недуж-
нии та́мо исцеля́хуся, / ка́ко невѣрнии вѣроваху, /
ка́ко хули́тели та́мо ка́яхуся? / Сія́ бо дѣ́вная
быва́ху челове́ком и Ангелом. / Мы же, вся сія́
бывша́я и доднѣсь быва́емая воспомина́юще, / со
стра́хом и умилѣ́нием ко святѣ́й ико́не Пречѣ́стыя
Богома́тере моли́твенно припа́даем и глаго́лем
си́це: / о ми́лостей бѣздно и благоде́яний сокро́ви-
ще, / грехи́ разреши́ моли́твенник Твои́х: / ели́ка бо
хо́щещи, мо́жещи.

Песнь 7

Ирмо́с: *От Иудѣи доше́дше, о́троцы / в Вавило́не
иногда́ / вѣрою Трѣ́ическою пла́мень пе́щный по-
пра́ша, пою́ще: / отцѣв Бо́же, благословѣ́н еси́.*

Ака́фистово пѣ́ние возноша́ху пред ико́ною
Твоею́, Пречѣ́стая, правосла́внии лю́дие, / егда́
обитель Поча́евская Цѣ́ркви возвращѣ́на бысть, /

тем ўбо оставлѣние грехѡв испроси́, / нам же, молящим Ти ся, на врагѣ посѡбствуй.

Нарѡда правосла́внаго ду́ши упоко́ити моли́ся, Влады́чице, / вку́пе же и всех, о возвращѣнии ла́вры Твоея́ из еретическаго плѣна потрудившихся, / нам же, к Тебѣ прибега́ющим, пода́ждь единомыслие и мир.

И ны́не наро́ду нашему́ ми́лостива бу́ди, Влады́чице, и мир пода́ждь, / покаря́ющи противоборствующие врагѣ и супоста́ты.

Пре́д Твоею́ ико́ною, Богоро́дице, правосла́вным христиа́ном возвращѣнною, / па́ки исцелѣния приима́ти ве́рнии навько́ша: / не у истѣкшу бо еди́ному лѣту от того́ дне, / уже́ четы́рми чудесы́ Це́рковь Христо́ву просла́вила еси́ во утешѣние лю́дем.

Ра́я Небѣснаго сподо́би ны, Влады́чице, / святу́ю ла́вру Твою́ а́ки земный рай почита́ющия / и Твою́ ми́лости тёплою ве́рою воспева́ющия.

Авраа́м Госпо́день день издалѣча ви́де, и ра́довася, / и ча́янием того́ дне живя́ще; / узрѣвши же издалѣча Твою́ Поча́евскую це́рковь некая́ хромая́ жена́ / и упова́нием Твоея́ по́мощи исполнившись, а́бие исцелѣ́ / и, а́ки елѣнь, воспрянү́вши, ко обители́ Твое́й поспеша́ше.

Песнь 8

Ирмо́с: Ца́ря Небѣснаго, / Егѡ́же пою́т во́и Ангельстии, / хвалите́ и превозносите́ во вся́ ве́ки.

Во градъ Кі́ев от предѣл Ура́льскихъ пришѣдшей́ женѣ́ бесней / яви́ся Богоро́дица со преподо́бнымъ Иовомъ / и на го́ру Поча́евскую́ ту́ю призыва́ше, / иде́же здра́вие ей́ пода́вши, сла́вити научи́ Своѣ́ заступлѣние.

Омы́в очеса́ свойа́ в купѣли́ Силоа́мстей, / приѣмлетъ слепорождѣ́нный зрѣние Христо́вымъ велѣ́нием; / омы́вшись же от воды́ стопны́я в це́ркви Поча́евстей, / исцелѣ́ слѣпа́я отрокови́ца. / Убо́ и наше́ страстнѡе́ ослѣплѣ́ние исцели́, Влады́чице, / водо́ю от слѣда́ стопы́ Твоея́ с ве́рою кропя́щихся.

Сию́ отрокови́цу исцелѣ́ну узрѣвши, / праба́ба ея́ а́бие прельщѣ́ния унитскаго́ отрица́ется / и Правосла́вную исповѣ́дует ве́ру, / в нейже́ утверди́ и ны́, рабы́ Тво́я, о Влады́чице.

Людие Бóжи, на гóру Твою, Влады́чице, притека́ющие, / о́беты по́двиг благочесты́вых та́мо прино́сят, / я́же дѣлы испо́лнити помози́ им, Богоро́дице.

Ангели на Небеси́ Твою́ сла́ву непреста́нно воспева́ют, Богоро́дице, / на землі же челове́цы ко Твоему́ заступле́нию притека́ти не престаю́т, / ихже воздыха́ния не отрини, я́ко Благая́, / па́че же на мѣсте явлѣния Твоего́ тех молѣния услы́ши.

Вѣлія Твоего́ заступле́ния сі́ла, о Влады́чице, / е́гоже ра́ди Сын Твой и Бог наш грѣшным прощѣние да́рует, / подвиза́ющимся же крѣпость и уны́вающим утешѣние.

Песнь 9

Ирмо́с: *В о́истинну Богоро́дицу, / Тя испове́дуем, / спасѣннии Тобо́ю, Дѣво Чы́стая, / с Безплóтными лі́ки Тя велича́юще.*

Не то́чию е́дин по е́диному подвиза́ются христиа́не на гóру Поча́евскую, / но и от сугу́бо священнаго гра́да Кіева совоку́пльшеся вѣрнии, / по́мощь от сея́ чудотворны́я ико́ны / в го́дину б́вшаго губительства испове́даша / и, подобіе ея́ написа́ше, во святу́ю ла́вру сіе́ принесо́ша.

Убо и во гряду́щая лѣта спаса́й нас, Влады́чице, от губительства и междоусóбныя бр́ани, / от гла́да же и о́гненнаго запале́ния, / зане́ оскуде́вшей крѣпости душ на́ших, / уны́ния исполня́емся в беда́х, неразу́мливи сущѣ.

Южскій* преде́л землі россі́йскаго Поча́евскую ико́ну Влады́чицы и святу́ю ла́вру Ея́, / я́ко диа́диму ца́рствія, храні́т и сі́ми хва́лится; / о́баче же и Сѣверскій, во гра́де Тобольстем, чудотворное подобіе тоя́жде Поча́евскія ико́ны / мо́литвою ино́ков себѣ испросі́.

Ру́сскую зѣмлю, о Влады́чице, / я́ко безпреде́льное горы́ Твоея́ подно́жие, / от бед и искуше́ний свободи́ / и во благоче́стии ту́ю сохрани́ до сконча́ния вѣка.

Уже́ несты́дно подня́вшимся ху́льным гла́сом посреде́ христиа́нскаго жи́тельства, / не оста́ви,

* южскій — южный

Богородице, раб Твоих в тех прельщения впасти, / но веру несумненну возгревай в сердцах наших вину.

Се время заступления Пресвятыя Богородицы прииде, умножившимся соблазном, / се время наших к Ней воздыханий. / О братие! Рцем убо от всего сердца нашего: / Владычице! Помози людем Твоим.

Ексапостиларий.

Подобен: Чертог Твой вижду:

Видение дивное: / во огни Пресвятая Дева, / чудеса же неисчислимая от иконы Почаевския нам известишася. / Воспрянем убо, о людие, от греховнаго сна, / исправления житию нашему со слезами да просим / и Матери Божией с верою днесь поклонимся.

На хвалитех стихиры на 4, глас 4:

Воспойм, людие, / Пресвятую Деву Чистую, / на горѣ Почаевстей древле пастырем явльшуюся, / ныне же всю страну нашу оттуду благодѣющую: / весть бо Владычица прошения наша во благое исполняти, / и сердца наша умилением растворяти, / и рабы Своя от бед и зол сохранятьи.

Не возгнушайся нас, грешных, / Милосердая Мати, / маловѣрия ради нашего от нас не отвратися, / но паче веру нашу / благодатною помощию Твоею умножи / и жертву хвалы приноси ти Тебѣ / рабы Твоя научи.

Слепыя, и хромья, и сляченныя, / ко Твоей святѣй иконѣ припадающия, / всемоцным действием Твоего предстательства / исцелила еси, Богородице: / бесы, людей мучащия, отгнала еси, / Православную веру агаряном и еретиком открыла еси. / Убо и наших молений не отри ни, Пренепорочная, / но яже ко спасению прошения наша исполни.

Слава, и ныне, глас 8:

О Твоих знамениих, Богородице Владычице, / славится гора Почаевская, / и всяк язык христианский силу Твою исповедует, / ихже ради невернии

правовѣрни содѣяшася, / грѣшнии в покаяніе приидоша, / ленивии к духовному деланию устремшася. / Имже и нас подражати, Благая, научи, / Тебѣ тепле благодарити устрои нас / и воздвигни вѣну воспевати славу Сына Твоего, / Единого от Святыя Троицы славимаго Бога нашего.

Славословіе великое, ектений и отпу́ст.

НА ЛИТУРГІИ

Блаженны от канона, пѣсни 3-я и 6-я, на 8. По входе тропарь праздника. Слава, и ныне, кондак. Прокимен, глас 3, песнь Богородицы: Величит душа Моя Господа, / и возрадовася дух Мой о Бозе, Спасе Моём. Стих: Яко призрѣ на смиреніе рабы Своея, се бо отныне ублажат Мя вси роди. Апостол ко Евреем, зачало 320. Аллилуия, глас 2: Воскресни, Господи, в покой Твой, Ты и кивот святыни Твоея. Стих: Клятся Господь Давиду истиною и не отвержется ея. Евангелие от Луки, зачало 54. Прича́стен: Ча́шу спасѣнія прииму́ и Имя Господне призову́.

Моли́тва


К Тебѣ, о Богомати, молитвенно притекаем мы, грѣшнии, чудеса Твоя, во святей лавре Почаевстей явленная, поминающе и о своих сокрушающеся прегрешеніих. Вѣмы, Владычице, вѣмы, яко не подобаше нам, грѣшным, чего́ просити, токмо о еже Праведному Судий беззаконія наша оставити нам. Вся бо нами в житіи претерпенная, скорби же, и нужды, и болѣзни, яко плоды паденій наших прозябоша нам, Богу сия на исправленіе наше попускающе. Темже вся сия истиною и судом Своим наведе Господь на грѣшныя рабы Своя, иже в печалех своих к заступленію Твоему, Пречистая, притекоша и во умиленіи сердец к Тебѣ взываютъ сїце: грехов и беззаконій наших, Благая, не помяни, но паче всечестней рuce Твой воздвигши, к Сыну Твоему и Богу предстани, да люте содеянная нами отпу́стит нам, да за премногая неисполненная обещанія наша лица Своего от рабов Своих не отвратит, да благодати Своея, спасенію нашему пособствующия, от душ наших не отымет. Ей, Владычице, буди спасенію нашему Ходатаица и, малодушія нашего не возгнушавшия, призри на стенанія наша, иже в бедях и скорбех наших пред чудотворным Твоим образом

возно́сим. Просвети́ умилёнными по́мыслы умы́ на́ша, ве́ру на́шу укрепí, наде́жду утверди́, любве́ сладча́йший дар сподо́би нас при́яти. Си́ми у́бо, Пречи́стая, дарова́ньми, а не бо́лезньми и скорбь-ми живо́т наш ко спасе́нию да возво́дится, но, от уны́ния и отча́яния ду́ши на́ша огражда́ючи, изба́ви нас, маломо́щных, от находя́щих на ны бед, и нужд, и клеветы́ челове́ческия, и бо́лезней нестерпи́мых. Да́руй мир и благоустро́ение жи́тельству христиа́нскому предста́тельством Твои́м, Влады́чице, утверди́ Правосла́вную ве́ру в стране́ на́шей и во всем ми́ре. Це́рковь Апосто́льскую и Собо́рную умале́нию не преда́ждь, уста́вы святы́х оте́ц на ве́ки непоколеби́мы сохрани́ и всех к Тебе́ притека́ющих от ро́ва поги́бельнаго спаси́. Ещѐ же и е́ресью прельще́нных бра́тий на́ших или́ ве́ру спаси́тельную в грехо́вных страсте́х погуби́вших па́ки ко и́стинней ве́ре и пока́янию приведи́, да вку́пе с на́ми, Твоему́ чудотво́рному о́бразу покланя́ющеся, Твое́ предста́тельство испове́дят. Сподо́би у́бо нас, Пресвята́я Госпоже́ Богоро́дице, ещѐ в животе́ сем побѣду́ и́стины Твои́м заступле́нием узрѣти, сподо́би нас благода́тную ра́дость прѐжде кончи́ны на́шей воспри́яти, я́коже дре́вле насельники́ Поча́евския Твои́м явлѐнием победите́ли и просветите́ли агаря́н показáла еси́, да вси мы благода́рным се́рдцем вку́пе со Ангелы́, и проро́ки, и апосто́лы, и со все́ми святы́ми, Твое́ милосе́рдие прославля́юще, возда́дим сла́ву, честь и поклонѐние в Тро́ице пева́емому Бо́гу Отцу́, и Сы́ну, и Свято́му Ду́ху, во ве́ки веко́в. **Ами́нь.**

Почаевская икона Божней Матери. История этой чудотворной иконы неразрывно связана с Почаевским монастырем в честь Успения Пресвятой Богородицы, который находится в юго-западной Руси (ныне в пределах Львовской области). Основанный еще в середине XIII века, Почаевский монастырь до XVI века оставался небольшой обителью. Расцвет монастыря относится к концу XVI— началу XVII века, когда монастырь получил в дар от владелицы поместья А. Е. Гойской чудотворную икону

Пресвятой Богородицы (в 1597 году), а во главе обители стал преподобный Иов Почаевский (†1651; память 28 октября и 28 августа).

Чудотворный образ Пресвятой Богородицы, названный Почаевской иконой, получен в дар от греческого митрополита Неофита, проезжавшего в 1559 году через имение Гойской Орля (близ Почаева) в Москву. Около 30 лет простояла эта икона в замковой молельне, пока не было замечено, что от иконы исходит необычайный свет. После того, как от иконы полу-



чил чудесное исцеление слепой от рождения брат А. Е. Гойской Филипп Козинский, благочестивая жительница передала святыню инокам Почаевской обители. Чудотворная икона с крестным ходом была перенесена в Почаевский монастырь.

На небольшой по размерам иконе Матерь Божия изображена с Предвечным Младенцем на правой руке. В левой руке Она держит плат, которым прикрыт Богомладенец Иисус. Господь положил левую руку на плечо Своей Пречистой Матери, а правую поднял для благословения; Матерь Божия преклонила Свой лик к главе Сына. На клеймах иконы есть семь миниатюрных изображений святых: пророка Илии, мученика Мины, первомученика Стефана, преподобного Авраамия, великомученицы Екатерины, мученицы Параскевы и мученицы Ирины. Славянское письмо на иконе свидетельствует о том, что «образ Почаевский писан рукою русскою». «Книга записей чудес Почаевских» сообщает о множестве исцелений по молитвам к Пресвятой Богородице, явленным чрез Ее Почаевскую икону.

На протяжении четырех столетий Царица Небесная являет Свою всемогущую помощь и Почаевской обители. Так, летом 1675 года турецкие

войска под предводительством хана Нурредина осадили Почаевскую Лавру с трех сторон. Слабая монастырская ограда не была серьезным препятствием для турецкого войска. Осажденные иноки и укрывавшиеся в обители миряне в страхе ожидали начала штурма. Игумен монастыря Иосиф Добромирский призвал православных обратиться за помощью к небесным заступникам — Пресвятой Богородице и преподобному Иову Почаевскому. Всю ночь осажденные усердно молились перед чудотворной Почаевской иконой и у гробницы с мощами преподобного Иова. Утром 23 июля, когда взошло солнце, стали петь акафист Божией Матери. Когда запели «Взбранной Воеводе», произошло дивное чудо. Пресвятая Богородица Сама явилась над храмом обители с многочисленными Ангелами, держащими обнаженные мечи. Преподобный Иов был рядом с Божией Матерью и молил Ее о защите обители. Турки, увидев небесное воинство, приняли его за привидение и стали пускать в Царицу Небесную и Ангелов стрелы. Но стрелы возвращались и поражали тех, кто их направлял. В турецком войске произошло смятение, обезумевшие воины убивали друг друга, а затем обратились в паническое бегство. Защитники монастыря, воспользовавшись паникой неприятеля, многих захватили в плен. Некоторые из пленных приняли святое Крещение и навсегда остались в Почаевской Успенской Лавре. В память о чудесном избавлении обители от врагов 23 июля было установлено ежегодное празднование в честь Почаевской иконы Божией Матери — Заступницы и Помощницы во всякой скорби и печали.

Попущением Божиим с 1721 по 1831 год Почаевский монастырь пребывал в руках униатов. В этот период, 8 сентября 1733 года, по распоряжению Папы Римского Климента XIV (1769—1774) было совершено так называемое коронование Почаевской иконы, что в практике Римско-Католической Церкви означает формальное каноническое признание данной иконы поистине чудотворной. С 1721 по 1831 год засвидетельствовано 539 чудесных исцелений от Почаевской иконы. В 1831 году По-

чаевский монастырь возвратился в лоно Русской Православной Церкви. Матерь Божия продолжала чрез Свою Почаевскую икону оказывать неисчислимыя благоденствия верующим христианам, приходящим к Ее молитвенному предстательству. Особенно известно исцеление слепой девятилетней девочки Анны Акимчуковой в 1832 году.

В 1859 году император Александр II, посетивший Почаевский монастырь, пожертвовал ему новый иконостас для соборного Успенского храма. В этом иконостасе и поныне в 3-ем ярусе находится чудотворная икона Божией Матери, в звездообразном серебряном киоте над Царскими вратами. Каждое утро после полунощницы при пении тропаря «Непроходимая Врата» чудотворная икона медленно опускается вниз на особых лентах и останавливается на уровне человеческого роста. Верующие подходят и благоговейно поклоняются

иконе. Опускается икона и по субботам, после соборного пения акафиста Пресвятой Богородице, а также по воскресным и праздничным дням, после поздней литургии. И поныне не оскудевает благодатная сила, источаемая этой прославленной общехристианской святыней.

Литература

1. Повесть историческая о святой чудотворной иконе Божией Матери Почаевской. Почаев, 1893.
2. Слава Богоматери. Сведения о чудотворных и местно чтимых иконах Божией Матери. М., 1907.
3. Почаевская Успенская Лавра. Историческое описание. Труд А. Ф. Хойнацкого, исправленный и дополненный Г. Я. Кръжановским. Почаев, 1897.
4. Успенская Почаевская Лавра. М., издание Московской Патриархии, 1982.



В
ТОЙЖЕ
ДЕНЬ

Святых мученик Трофима, Феофила и ихже с ними

НА ВЕЧЕРНИ

На Господи, воззвах: стихиры, глас 1.

Подобен: В сехвальнии мученицы:

Вшел еси в судище твердо, мучениче, / страда-
ния и терзания терпел еси, / и уязвился еси,
уязвив врага борца, / и победу взял еси на него,
Трофиме. / Темже моли даровати душам нашим /
мир и велию милость.

Лик мученик ведый, мудре, с собою, пострадал
еси / и, с теми радуясь, / Небесная благая восприял
еси достойно. / С нимиже нас поминай, / верою на
земли восхваляющих тя, / Христу моляся даровати
душам нашим / мир и велию милость.

Трофима и Феофила, вернии, / с прочими тремидесяте
восхвалим мученики: / честными бо
кровью огонь прелести уже угасивше, / в Вышнем

живут Царствию, / присно просяще даровати душам нашим / мир и велию милость.

Слава, и ныне, Богородичен:

У вѣ мене, что буду? / Ум и душу и тело осквернив прегрешеньми, / что сотворю? / Како же избежу пламене нестерпимаго, / нерешимых уз и вечных? / Но, о Всенепорочная! / Прежде конца моли Сына Твоего / подати ми оставление.

Крестобогородичен:

Дѣва Нескверная, / иногда на Древе видевши / Егоже родит из безсемянныя утробы, / не терпящи утробнаго уязвления, / власы терзаючи, глаголаше: / манием Содержай тварь всю, / како, яко осужденный, / на Крест вознесен еси, / всяко хотяи спасти человечество?

Тропарь, глас 4:

Яко воины, мученицы непобедими, / течением невозбранном в судилище неверных внидоште / и веры ради многия муки претерпесте, / Христа исповедающе Единого со дерзновением. / Того молитте, Трофиме и Феофиле с прочими, / яко да тяготу страстей отложше, / ваше ныне страдание поем, страстотерпцы непреоборими.

Ин тропарь, общий, глас тойже:

Мученицы Твои, Господи, / во страданиях своих венцы прияша нетленные от Тебе, Бога нашего: / имуще бо крепость Твою, / мучителей низложиша, / сокрушиша и демонов немощныя дерзости. / Тех молитвами / спаси души наша.

Канон, творение Андрея Критскаго, глас 4.

Песнь 1

Ирмос: Воспою Тебе, Господи Боже мой, / яко извел еси люди из рабы египетския, / покрыл же еси колесницы фараоновы и силу.

Воспою Тебе, Господи Боже мой, / яко возсиял еси нам день веселия, лествь разоряющ, / память мученик Твоих.

Сóлнце проси́ял еси́ в ми́ре, в ве́рней я́влься, му́чениче, тве́рди, / в не́йже облиста́л еси́ страда́нии тво́ими концы́.

Крoвию твоeю напо́йся, златы́ми стру́ями, воспитавшее́ тя oтeчество, блаже́нне Трофи́ме, / пи́щею неизждиву́щею, страда́нии тво́ими пита́ющеся.

Трoичен: Трoицу просла́вим правосла́вно, / со Отце́м Сы́на и Ду́ха Свята́го, / Еди́но Божество́, Еди́ницу Триипоста́сную.

Богоро́дичен: А́нгел весть Тебе́ с Небесе́, е́же к Бо́гу премене́ния, Де́во, принесé / и мир собра́ на ра́дость благове́щения.

Песнь 3

Ирмо́с: *В Го́споде Бо́зе моeм / се́рдце моe утверди́ся, / тем немощствую́щии препоя́сашася си́лою.*

На суди́щи му́ченик со стра́ждущими с ним ураняе́мь, ра́довашеся, / прови́дя неизглаго́ланное мздовозда́ние.

Исте́кшая тво́я кровь безбо́жие попалí, / тепло́ту Богоразу́мия всем вжег, Трофи́ме.

Яко со́лнце звезд, посреде́ иму́ще му́ченика, омрачи́ша лeсть / страда́льцы Тво́й, Го́споди.

Трoичен: Триипоста́сному Естество́у, еди́наго Ца́рствия Божество́у, / Отцу́ поклони́мся, Сы́ну и Ду́ху Свято́му.

Богоро́дичен: *В ма́терех Де́ва и в де́вах Ма́ти была́ еси́, / о́неми же и удивля́еши вся́ку мысль, Чи́стая.*

Седáлен, глас 1.

Подóбен: Лик А́нгельский:

Дoблественным по́мыслом прошeд му́ки и побeду на них приéм, блаже́нне, / во́лка прeложíл еси́ во а́гна Божeственною́ благода́тию, / и повину́л еси́ страда́ти с тобо́ю ве́рою. / Те́мже вси ра́достно́ ты почита́ем, прeсла́вне Трофи́ме.

Богоро́дичен:

Упова́ние христиа́н, Пресвята́я Де́во, / Егóже родила́ еси́, Бо́га, па́че ума́ же и сло́ва, / непреста́нно моли́ с Вы́шними си́лами / подáти оставле́ние

грехов наших всех и исправлѣние жити́я / вѣрою и любóвию прѣсно Тя сла́влящим.

Крестобогорóдичен:

Несквѣрная А́гница, А́гница и Па́стыря, повѣше-на на Дре́ве, ме́ртва зря́щи / и пла́чущи, веща́ше, ма́терски восклицáющи: / кáко претерплó Твое́ еже пáче слóва, Сы́не Мой, снѣтие / и вóльныя стра́сти, Бóже Преблагѣй?

Песнь 4

Ирмós: Услы́шах, Бóже, слух Твой и убоя́хся, / разумѣх дела́ Твоя́ и ужасóхся, Гóсподи, / я́ко Твоегó хвалѣния исполнь земля́.

Услы́шах, Бóже, мученик твѣрдое мýжество, / имже стра́ждуще показáша по любви́ Твое́й, / и, удивлься, сла́влю Тя, Едѣне Спа́се.

Вѣры пѣтом ограждѣн вели́кий мученик / и, меч духо́вный мы́сленно извлѣк, главы́ отсечѣ нечестѣ-вым.

Красото́ю добродѣтелей укра́шен, вели́кий муче-ниче, и сла́вою венча́н, / гонѣтеля посра́мил еси́, за Христа́ приѣм огонь и заколѣния.

Трѣичен: Во Едѣном Существѣ пою́ Три Ипоста́си Богонача́лиа, / Отца́, и Сы́на, и Ду́ха, / я́ко едѣно сия́ние Трисóлнечнаго Естества́, Едѣн Бог.

Богорóдичен: Дѣво, кáко дойши? / Кáко ма́терни-ми ражда́еши зако́ны? / Егóже бо родила́ еси́, вопло́щся, Бог есть, / обновля́я естество́, я́ко вестъ Сам.

Песнь 5

Ирмós: Мрак разреши́ греха́ моего́, / внигда́ возсия́ти Ти, / утро́ свѣтлое за́поведей Твои́х, Гóсподи, / непристу́пный Свѣте.

Мрак отгна́л еси́ безбо́жия свѣтлыми проповѣда-нии, / Богоси́янными исповѣдани́и твои́ми враги́ посра́мил еси́, / Трофи́ме страда́льче Христов.

Я́ко Бóга возлюбил еси́, мучениче боголю́бне, / именовано́сно показáся богоме́рзкия па́губы прогна́ние, / мученик Христов изря́ден быв.

От ва́шея кро́ве оде́явше багряни́цу по́честъ, / на Небесе́х сца́рствуете Бóгу всех, мученицы, я́ко Тому́ подобни́цы.

Трѳичен: Равносла́вная, равночѳстная Трѳице, /
Безначальне Отче нерожденне, рожденне Сыне и
Душе Святы́й, / Ты еси́ Бог мой, Госпо́ди, непри-
ступный Свѳте.

Богородичен: В де́вах рѳждшую и в ма́терех Тя
Чи́стую Де́ву поём, / Бо́жий несквѳрный сосу́д, / из
Него́же про́йде Госпо́дь, Спас всѳческих.

Песнь 6

Ирмо́с: Бу́рею грехѳвною погружа́емь, / я́ко во
чре́ве кѳтове содержи́мь, / с проро́ком зову́ Ти: /
возведи́ от тли живѳт мой, / Госпо́ди, и спаси́ мя.

Ка́мением и дреко́лием сокруша́емь, ника́коже
отступи́сте от ве́ры, / но потреби́тели, блаже́ннии,
бы́сте идолоне́йствовства, / взѳмше побѳды
по́чести.

Воздвѳжен на высоту́ и стру́жемь, идо́льскую
лесть обличилъ естъ Богослѳв Трофѳим, / напитавъ
ве́рных сердца́ учѳнии досто́йно пода́тельными.

Звѳзды страда́нии просия́вше, неве́рия мрак
разори́сте. / Те́мже день озари́вше спаси́тельный, /
во́ньже спастѳся нам, моли́теся, му́ченицы Госпо́д-
ни.

Трѳичен: Единоца́рственная, сообра́зная Трѳи-
це безначальная, / равночѳстная, Трипостѳс-
ная, Едини́це неразде́льная, Божество́м пресу́щ-
ная, / Отче, и Сыне, и Святы́й Душе, Тебе́ поѳет вся
тварь.

Богородичен: Па́че естества́ Твое́ Рождество́,
я́ко безсе́менно, ма́терски подобно́ па́ки ражда́-
еши, / зако́ном естества́, пре́йстинно обо́я, / да
умолча́т сквѳрныя е́реси о Тебе́, Богороди́це
Чи́стая.

Песнь 7

Ирмо́с: Огнь, паля́ в пещи́, истрясáшеся, / ѳтро-
цы ороша́хуся / и, пою́ще, глаго́лаху: / благословѳн
еси́, Еди́н Сый / Бо́же оте́ц на́ших.

Плоть преобѳдящим страда́льцем Твоѳм А́нгели
удиви́шася и земни́и взыва́ху: / благословѳн еси́,
еди́ный Бог оте́ц на́ших.

Высока́ мѳшца си́лы Твое́я, сия́ сокруши́ враги́
Тво́я, Госпо́ди, / сконча́вшимся в ве́ре му́чеником
Твоѳм в му́ках го́рьких.

О вии ўбо ка́мением побива́ются, страстони́сицы Тво́й, друзи́и же сжигáеми, / с ними́же Трофíм скончавáшеся, Тебé воспевáя сўщему́ Бóгу: / отéц нáших Бóже, благословéн есí.

Трóичен: Трисóлнечное Божество́, Едíно Цáрствие, Безначáльне, Присносўщне, Отче, и Сы́не, и Дўше: / благословéн, Едíн Сый Бóже отéц нáших.

Богорóдичен: О, стрáшнаго тáинства! / О, стрáннаго чудесé! / Кáко и Мáти явíся, и Дéвою пребýсть, / благословéнна едíна, рóждшая Бóга отéц нáших!

Песнь 8

Ирмóс: В ся делá Бóжия и вся тварь, благословíte Гóспода, / преподóбнии и смирénнии сёрдцем, по́йте Егó / и превозно́сите во вся вéки.

Столп явíлся есí мýсленный, утверждáя стра́ждущия с тобóю, Трофíме, / погубíл есí нечестíвых шатáние вéрою Христóвою, / Егóже превозно́сим во вéки.

Свётлым лицéм предстáв на суди́щи, беззакóнныя ужасíл есí. / Показáл есí радостное твоé éже за Христá страдáние, / Егóже превозно́сим во вéки.

Нéбо многозвёздное я́влься, страдáльцев Богоизбрáнный собóр / озарí боговídно сўщия в мíре вéрою Христóвою, / Егóже превозно́сим во вéки.

Трóичен: Безначáльнаго Отцá и Сы́на со Святým воспóем Дўхом, / Трóицу Единосўщную, Едíно начáло и Божество́, / хвáляще и пою́ще Егó во вéки.

Богорóдичен: В сяк Тя язýк земнорóдных поёт, Дéво, / я́ко Свет Непристўпный возсияла есí, просвещáющаго мир Христá Бóга, / Егóже превозно́сим во вéки.

Песнь 9

Ирмóс: Тя, Неискусобráчную Богорóдицу, / Небéсный чертóг, рóждшую Начáльника спасéния нáшего, / пéснями величáем.

Тя, прошéдшаго чўдно страдáния течéние / и венéц приéмпа победíтельно от Христá Бóга, / страдáльче, пéснями величáем.

Тя, богоявлéнна страдáльца, / я́ко вождá я́вльшася стра́ждущих с тобóю моисéйски к нестарéющейся жíзни, / пéснями величáем.

Ли́че досто́ин Бо́гу му́ченический, я́ко победи́вший прѣлесть / и венцы́ от Бо́га при́имший свѣтлы, / моли́тесь спасти́ся нам.

Тро́ичен: Тя, Триипоста́сную Еди́нцу и нераздели́мое Суще́ство, / Отца́, и Сы́на, и Свята́го Ду́ха, / пе́сньми велича́ем.

Богоро́дичен: Тя, купину́, ю́же Моисе́й прови́де, / горя́щу и неопалѣему, огонь при́емшу Божества́, / пе́сньми велича́ем.

Святые мученики Трофим и Феофил вместе с другими тринадцатью христианами пострадали за веру в Господа Иисуса Христа в Ликии (Малая Азия) в 305 году, во время гонения на христиан римского императора Диоклитиана (284—305). Приведенные на суд за принадлежность к вере Христовой святые мученики мужественно исповедали себя христианами и отказались принести жертвы языческим идолам. Пытаясь силой заставить святых отречься от Спасителя, их предали жестоким пыткам: подвесив, строга-ли тело крюками, побивали камнями. Но святые мученики продолжали славить Христа. Тогда им перебили голени и бросили в огонь. Укрепля-

емые благодатной силой Господа, святые мученики вышли из огня невредимыми. После этого их обезглавили. Преподобный Андрей Критский написал в честь святых мучеников Трофима, Феофила и других канон. В связи с этим существует мнение, что святые мученики пострадали не в Ликии, а на острове Крите.

Литература

1. Виноградов П., священник. Жизнь святых, память которых совершается в июле месяце. М., 1880, с. 98—99.
2. Преображенский В., священник. Святые учителя веры и благочестия. Июль, М., 1904, с. 348—352.

